

Headlines

- 1 जम्मू कश्मीर दी सरकारै 9 जहार शा मते जिमीं रैहत लोकें गी 5 मरले जमीन उपलब्ध करोआई ऐ। उपराज्यपाल मनोज सिन्हा होरें आखेआ ऐ जे छड़े योग्य लोकें गी गै सरकार थमां 5 मरले जिमीं थहोग।
- 2 उपराज्यपाल होरें आखेआ ऐ जे आम लोकें बक्खी केन्द्रित नीतिएं, प्रदेश दे पूरे पराते विकास गी नमां बल दित्ता ऐ। सिन्हा होरें टिककर कुपवाड़ा च माता क्षीर भवानी देव स्थान पर मत्था टेकेआ।
- 3 इस ब'रे सितम्बर म्हीने तोड़ी 73 लक्ख शा मते श्रद्धालुएं श्री माता वैष्णो देवी जी दे दरबारै च मत्था टेकेआ ऐ।
- 4 संगम 2022 नां दा इक बड़डा युवा उत्सव कल्लै थमां भद्रवाह च शुरू होग। चऊं ध्याड़ें दे इस उत्सव च 23एं कालेजें ते कैंपसें दे विद्यार्थी हिस्सा लैंगन।

<><><><><><>

LG-PMAY(byte)

उपराज्यपाल मनोज सिन्हा होरें आखेआ जे अज्जै तोड़ी खित्ते च कोई 9 जहार बिजन जिमीं दे लोकें गी जिमीं दित्ती गई ऐ ते छड़े योग्य लोकें गी सरकार थमां 5 मरले दी जिमीं थहोग। कुपवाड़ा च इक कार्यक्रम थमां बक्ख-बाहरे संवाददाताएं कन्नै गल्ल करदे होई उपराज्यपाल होरें आखेआ.....बाईट

<><><><><><>

LG-JK

उपराज्यपाल मनोज सिन्हा होरकं आखेआ जे जनता केन्द्री नीतिएं पूरे-पराते विकास गी गति दित्ती ऐ ते आम आदमी शांतिपूर्व महोल च रवा'रदा ऐ। उपराज्यपाल हुंदा कुपवाड़ा दा दुए दिने दे दौरे दरान उनें अज्ज बक्ख-बक्ख जन प्रतिनिधिएं कन्नै गल्लबात कीती। उपराज्यपाल होरें प्रतिनिधिमंडल गी उंदी जायज मुद्दे गी समे सिर हल्ल करने दा आश्वासन दित्ता। कुपवाड़ा तोड़ी रेल ांपर्क उप्पर इक सुआल उप्पर जुआब दिंदे होई उपराज्यपाल होरें आखेआ जे रेलवे मंत्रालय ने जिला कुपवाड़ा लेई रेल लाइन दे सर्वेक्षण दी मंजूरी दित्ती गई ऐ। इक बारी सर्वेक्षण पूरा होई जाग ते तफसीली प्रोजेक्ट रिपोर्ट गी सौंपी दित्ता जाग। रेल लिंक उप्पर कम्म शुरू होई जाग ते कुपवाड़ा बी रेल तंत्र कन्नै जुड़ी जाग। उपराज्यपाल होरें हरित जम्मू कश्मीर अभियान दे इक हिस्से दे तौर उप्पर सयालू रूक्ख-बूहटे सरबंधी अभियान बी शुरू कीता। अभियान दरान कोई 8.5 लक्ख बीएं गी जिले च लाया गेआ। एहदे कोला पैहले उपराज्यपाल होरें टिककर-कुपवाड़ा च माता क्षीर भवानी अस्थापन च मत्था टेकेआ ते सब्बने लेई शांति, प्रगति ते खुशहाली दी प्रार्थन बी कीती।

<><><><><><>

Students Terror

जिला अनंतनाग दे वातरी गाम वानी हामा इलाके च बुधवार इक आतंकवादी नै 10मीं जमात दे इक विद्यार्थी उप्पर हमला कीता जिस च ओह विद्यार्थी जख्मी होई गेआ। श्रीनगर दे सौरा एसकेआईएमएस च पिछली संजा ओ जख्में गी नेई जरी सकेआ ते ओहदी मौत होई गई। आतंकवादी नै इस विद्यार्थी उप्पर गोलीबारी शुरू कीती। विद्यार्थी दी पंचान वतरी गाम दियाल गाम दे रौहने आले बशीर अहमद डार दे जागत साहिल बशीर दे तौरा पर होई ऐ। उसी इलाज लेई फौरन जीएमसी अनंतनाग लैजाया गेआ जित्थुआं उसी स्किम्स सौरा रैफर कीता गेआ पर मगरा विद्यार्थी दी पिछली संजा मोत होई गई।

<><><><><><>

CRPF-Women

श्रीनगर थमां अपना सफर शुरू करने आली महिला मोटर सैकल सुआरें दी टीम दियां 61 महिलां मोटर सैकल सुआर डिप्टी कमांडेंट तारा यादव हुंदी निगरानी हेठ जम्मू पुज्जियां। इस महिला दस्ते दे सम्मान च गजनसू मढ़ आले स्कूल च इक बड़डे कार्यक्रम दा सरिस्ता कीता गेआ। सीआरपीएफ दी 160 बटालियन जम्मू सेक्टर दे आईजी संदीप खीरवार होर बी इस मौके पर

मजुद हे। मुक्ति सोसायटी नां दे गैर सरकारी संगठन दे सैहयोग कन्नै लोआए गेदे इस कार्यक्रम दरान सीआरपीएफ दी 160 बटालियन दे जवानें ते मकामी स्कूल दे बच्चें इक रंगारंग कार्यक्रम पेश कीता। सीआरपीएफ दे महिला बँड दस्ते नै देशभक्ति गीतें दियां शानदार धुनां पेश करियै सब्बनं दा मन परचाई लैता। अज्जै दे कार्यक्र दा मुख्य मकसद एह दस्सना हा जे देशै दिएं धीएं लेई शिक्षा किन्नी जरूरी ऐ ते साढ़ियां धीआं, देशै दा मान-सम्मान बधाने दी पूरी ताकत ते समर्थ रक्खदियां न।

<><><><><><>

Samba-MMMD

देशै दी राक्खी लेई बलिदान देने आले नायकें दे सम्मान च सांबा जिले दे विजयपुर ब्लाक च जक्ख आले सरकारी हायर स्कैंडरी स्कूल च “मेरी माटी मेरा देश” तैहत सांस्कृतिक गतिविधिएं आले इक कार्यक्रम दा सरिस्ता कीता गेआ। एहदा आयोजन ग्रामीण विकास विभाग विजयपुर आस्सेआ नेहरू युवा केन्द्र जम्मू दे सैहयोग कन्नै कीता गेआ। उत्तरी जोन सांस्कृतिक केन्द्र पटियाला दे कलाकारें आस्सेआ इक सांस्कृतिक कार्यक्रम पेश कीता गेआ।

<><><><><><>

Ayushman Bhav

सार्वजनिक सेहत ते नरोएपन गी बढ़ावा देने लेई रामबन दे उपजिला अस्पताल च राष्ट्रव्यापी आयुष्माण भव: पैहलकदमी दे इक हिस्से दे तौर उप्पर सेहत मेले दा आयोजन कीता गेआ। बनिहाल दे एसडीएम जहीर अब्बास होरें बीएमओ बनिहाल डॉ. इस्माईल हुंदी मजूदगी च इस मेले दा उदघाटन कीता। इस मौके पर मकामी लोकें गी सेहत सेवां उपलब्ध करोआने लेई केई स्टाल लाए गेदे हे जिस दरान ओपीडी सेवां, हड्डिएं दे इलाज सरबंधी आर्थोपेडिक्स सेवा, जनरल मेडिकल जांच, रक्तदान लेई पंजीकरण, लैबाटरिएं सरबंधी सहूलतां ते होर बी केई सुविधां उपलब्ध करोआइयां गेइयां। एह सुविधां आम लोकें गी भलेयां मुफ्त उपलब्ध करोआइयां गेइयां। एहदे अलावा आभा कार्ड ते आयुष्माण भारत गोल्डन कार्ड बनवाने लेई बी उत्थें इक स्टाल लाया गेदा हा। सेहत मेले दरान मुख्य ध्यान ब्लड प्रेशर ते शूगर दी जांच बक्खी दित्ता गेआ। 450 शा मते मरीजें दी इस मौके पर जांच कीती गेई।

<><><><><><>

Mata Vaishno Devi

श्री माता वैष्णो देवी तीर्थ स्थान पर दर्शनं लेई औने आले श्रद्धालुएं दी गिनतरी लगातार बधदी जा करदी ऐ ते इस ब'रे सितम्बर म्हीने तोड़ी 73 लक्ख शा मते श्रद्धालु माता वैष्णो दे दरबार च मत्था टेकी चुके दे न। इक अधिकारी नै आक्खेआ ऐ जे इस ब'रे वैष्णो देवी दे दरबार च मत्था टेकने आले श्रद्धालुएं दी गिनतरी 1 करोड़ तगर पुज्जी सकदी ऐ। उनें दस्सेआ जे री माता वैष्णो देवी श्राईन बोर्ड श्रद्धालुएं लेई सुविधाएं च लगातार बाद्धा करे करदा ऐ। उनें इब्बी दस्सेआ जे इस ब'रे दे पैहले 9 म्हीने च यानि सितम्बर म्हीने तोड़ी 73 लक्ख 25 जहार 298 श्रद्धालुएं श्री माता वैष्णो देवी जी दी यात्रा कीती ऐ जदके एहदे शा पैहले ब'रे 2022 दी इस्सै अवधि दरान 72 लक्ख 10 जहार 1 सौ 39 श्रद्धालुएं एह यात्रा कीती, यानि इस ब'रे श्रद्धालुएं दी गिनतरी च 1 लक्ख 15 जहार 159 श्रद्धालुएं दा बाद्धा दर्ज कीता गेआ ऐ। श्री माता वैष्णो देवी श्राईन बोर्ड दे मुख्य कार्जकारी अधिकारी अन्शुल गर्ग होरें आक्खेआ ऐ जे नराते दे पर्व कोला पैहले श्रद्धालुएं लेई सब्बै लोड़चदे बंदोबस्त कीते जा करदे न। उनें इब्बी दस्सेआ जे श्रद्धालुएं दी सुविधा लेई माता वैष्णो देवी जी दे भवन कश भलेयां अज्जै-कल्लै सहाबै स्काईवाक, फ्लाइओवर ते लाकरें दी बवस्था बी कीती जाग।

<><><><><><>

Youth Festival

नौजवानें च अमन शांति ते सांप्रदायक सम्बोध गी बढ़ावा देने दा कन्नै चिनाब खित्ते दा रौमानय आले सैलसफा दी क्षमता च नमीं जान भरने लेई भारतीय फौज दी 4-राष्ट्रीय राइफलज़ भद्रवाह कैंपस कन्नै रलियै भद्रवाह च महा युवा महोत्सव संगम 2022 दे 11में संस्करण दा आयोजन करा'रदा ऐ। फौज ते भद्रवाह कैंपस प्राधिकरण नै इक सांझी प्रेस कांफ्रेंस च एतिहासक युवा महोत्सव संगम दे 11में संस्करण दे शुरू होने दी घोषणा कीती। इस महोत्सव दा विषेय ऐ एकता ते संबोध जेहड़ा जे कल कोला शुरू होआ'रदा ऐ जिस च 23 कालेजें ते जम्मू विश्वविद्यालय दे जुड़े दे होरने कैंपस दे कोई 500 विद्यार्थी हिस्सा लै'रदे न। 7 थमां 10 अक्तूबर थमां भद्रवाह कैंपस च एह महोत्सव शुरू होग।

<><><><><><>

Kotli Fort

जम्मू खित्ते दे उधमपुर जिले दा कोटली किला जम्मू कश्मीर दे सब्बनें शा पराने किलें चा इक ऐ। एह मन्नेआ जंदा ऐ जे इस किले दा निर्माण 18मीं सदी च चनैनी दे राजा आस्सेआ प्रदेश दी हिफाजत लेई कीता गेआ हा। सदर मकाम थमां छड़ा 5 किलोमीटर दूर उधमपुर बरमीन शिड़कै पर लड्डन ग्रां च स्थित ऐ। कोटली किले च सैलानिएं गी आकर्शित करने दी बड़ी मती समर्थ मजूद ऐ। पिछले काफी समें थमां एहदी हालत बड़ी माड़ी ही पर हुन सरकारै एहदी मरम्मत ते रक्ख रखाव दा कम्म शुरू कीता ऐ जेहदी मकामी लोकें बड़ी मती सराहना कीती ऐ। उनें आक्खेआ ऐ जे एह मकामी लोकें लेई बी मती फायदेमंद ऐ की जे एहदे कन्नै सैलसफा गी खरा—मता बढ़ावा थहोग।

<><><><><><>

SH-Mobile First Aid

भिड्ड पालन सरबंधी विभाग उधमपुर नै खानाबदोश लोकें लेई कुद्ध च भिड्डें ते बकरिएं दी First Aid मेडिकल जांच आले इक गश्ती कैप दा सरिस्ता कीता। भिड्ड पालन विभाग चनैनी दे वैटनरी असिस्टेंट सर्जन डॉ. राकेश कुमार ते उंदी टीम नै खानाबदोश लोकें दिएं भिड्डें—बकरिएं दा इलाज कीता। कसरी मवेशिएं गी इस मौके इलाज ते दवाइएं दी सुविधा दित्ती गई। डॉ. राकेश कुमार होरें दस्सेआ जे उनें तकरीबन 10 बमार मवेशिएं दा इलाज कीता ते 15 सौ मवेशिएं दी मेडिकल जांच कीती।

<><><><><><>

Phulwari Ramban

छोड़ी दिएं 6 बरें तोड़ी दी बरेसू दी निक्की बच्चिएं दी दिक्ख—रिक्ख लेई जम्मू कश्मीर प्रशासन नै प्रदेश गोध लैने आली अजेंसी ते क्रेडल बेबी रिसेप्शन केन्द्रें जिनें गी फुलवारी आक्खेआ जाग, गी हर जिले च वात्सलय योजना तैह्त निर्माण कराया गेआ गी समाज कल्याण विभाग आस्सेआ चलाया जा'रदा ऐ। रामबन च फुलवारी च पैहली बच्ची जेड़ी जे 5 दिनें दी ऐ , आई ऐ। रामबन दे उपायुक्त मुसरत इस्लाम ते उंदे कन्नै रामबन दे जिला समाज कल्याण अफसर राहुल गुप्ता होरें फुलवारी दा दौरा लाया ते बच्चे बच्ची आस्तै सुविधाएं दा जायजा लैता। जिला समाज कल्याण अफसर मूजब फुलवारी जेहड़ा जे जिला डोडा लेई पूरी चाल्ली उपकरणें कन्नै लैस ऐ।

<><><><><><>

Doda Traffic

डोडा खित्ते च यातायात सरबंधी भीड़ भड़ाके गी घट्ट करने ताई अज्ज खित्ते च अफसरें दी इक टीम नै व्यापक जायजा लैता ते खित्ते च इक आटो रिक्शा लेई नमीं पार्किंग दी ताल कीती। एहदे इलावा गलत पार्किंग ते गलत तरीके नै गड्डिएं दा चलाने ताई बक्ख—बक्ख गैह पुट्टियां गेइयां। गड्डी मालकें गी ट्रैफिक नियम दी पालमा करने दी चेतावनी दित्ती गई, नेई ते उंदे उप्पर सख्त कारवाई कीते जाने दे बारे आक्खेआ गेआ।

<><><><><><>